

Glenbert Croes, lider di OLA: Hospital San Nicolas, otro proyecto di OLA cu lo wordo realizá

ORANJESTAD
Salud di nos pueblo ta primordial pa partido OLA. Un bon calidad di salud ta indispensable den cualkier comunidad. Bao OLA, Salubridad Publico a conocé adelantonan positivo, esaki

lider di OLA ta bisa den un comunicado di prensa.

Consiente di e necesidadnan cu tabata reina den nos pueblo, OLA durante Gobernacion anterior, a anunciá e proyecto di Hospital San Nicolas pa e districtonan di pariba di brug. A

bin cambio di Gobierno y cambio di carteranan y desde Juni 1998 cu Salubridad Publico ya no ta cai bao responsabilidad y maneho di OLA mas.

Apesar di esaki, OLA a percurá pa angra den programa di Gobierno cu San Nicolas lo haya

su hospital. E hecho cu Centro Medico Rudy Engelbrecht ta wordo expandí, ta trece nos un paso mas serca di realizacion di Hospital San Nicolas, un proyecto di OLA, cu e compromiso di OLA, cu e lo wordo realizá.

Tin testimonionan di e determinacion di OLA pa logra cosnan grandi den interes di nos pueblo. Tin diferente proyectonan pa sostené esaki. Proyecto di expansion y modernizacion di nos Aeropuerto, Radar, ampliacion di nos Waf cu construccion di e mooring dolphin, busstation na Playa, Centro Deportivo Betico Croes na Sta. Cruz, renobacion di flota di Arubus, traspaso di Carga pa Barcadera, 1 miyon di turistanan cu a bin Aruba na 1999, atraccion di mas aerolineanan manera TWA y DELTA, reduccion di tarifa di telefon, celular y internet, eliminacion di e handling fee di Coastal, tax holiday pa Coastal cu lo sigurá su permanencia na Aruba pa largo, tur arbeidscontractanten di SETAR y losse krachten di Postkantoor cu a haya nan status di ambtenaar, plataforma nacional di telecomunicacion,



Glenbert Croes

restructuracion di telecomunicacion, protocol cu Hulanda riba telecomunicacion y post, y pronto lo drenta na vigor reduccion di tarifa di awa y corriente pa esnan den mas necesidad.

Mescos cu OLA a logra tur esaki, mescos OLA lo logra hospital San Nicolas, y Race-track na San Nicolas lo bira realidad, Cas pa Ancianonan na San Nicolas y un busstation nobo na San Nicolas tambe lo keda realizá. OLA ta un partido di hecho y palabra. Pa e motibo aki cu OLA lo sa di cumpli cu tur su promesanan haci den interes di nos pueblo di San Nicolas, Lider di OLA Sr. Glenbert Croes a concluí.

Autonan nobo pa polis ta di color blanco


Su strepi geel cu blauw na banda y patras

ORANJESTAD - E 59 autonan cu Cuerpo Policial lo haya próximamente, den su mayoría lo ta di color blanco. Maske cu e autonan pa Departamento Hudicial, lo ta masha variá, loke ta lógico tambe. Pero e autonan pa "corre caya" ta bin blanco cu strepi geel cublauw na banda y patras, y cu ta reflectá den oranan di anochi. Tambe tur auto lo bin cu e number 100 cu tur hende por mira den oranan di anochi y den dia. Y riba e hood, por mira POLIS grandi scribí. Pues tur hende sa cu ta trata di un patruye policial.

Manera nos a mencioná, tur e autonan aki ta worde gelease. E destaho público cu porfin a tuma lugar, a haci hopi hende contento, pasobra problema di auto tabata un di e preocupacionnan di Cuerpo Policial. E tabata un handicap den varios ocasion, pasobra pa motibo di vehículo hopi biaha no por a manda e cantidad di polis na un sitio cu bo kier.

Cuanto biaha den oranan di anochi, no por tin patruye manera debe ser, y como tal difícilmente por mantené e slogan: "Mientras cu pueblo ta drumi, polis ta laborá".


ANUNCIO




ARUBA BANK N.V.

In coneccion cu nos participashon na e parada di Carnaval di San Nicolas, nos oficina principal lo ta sera diasabra 4 di Maart, 2000.

Nos disculpa pa e inconveniencia aki. Aruba Bank ta desea un y tur pa goza di nos Carnaval 46 cu hopi seguridad.



Dr. Leonard S. Berlinski, M.D., F.R.C.S.

General Surgery

Engelandstraat # 2 * Eagle * ARUBA, Dutch Caribbean
Phone (297) 838804 / 833988



Entrante 1 Maart 2000 Dr. Jose Lema Cirujano lo ta den nos servicio Pa mas informacion y un cita yama 833968 / 838804